

序

令尹職司民社訓俗型方非徒
按簿書慎出納為目前之計必
將通達古今蒐羅文獻舉政之
大者而圖之庶足以彰前軌示
來轍也嵎邑據越上游山川秀
異井壤交錯其地瘠而不貧其

民樸而好禮越州八邑中素稱
易治維嵎志自乾隆壬戌脩輯
後距今又八十餘年其間典禮
之脩明制度之沿革民人物產
之滋豐文章節義之建豎日新
月盛積而彌多使佚而不紀何
以彰前軌示來轍乎李君令嵎



之三年政通人和百廢具舉爰
取舊志重加裒輯為門四十為
卷一十有四約而能該詳而有
體郁二乎備歷朝之掌故為刻
水之典型矣抑予又有望焉者
嵯之先賢勲名如王謝經術如
二戴著述如姚令威理學如周

海門皆南紀之英也嵯之名宦
賑饑乏如過昱抑豪強如陳著
築城禦寇如吳三畏濬河治堤
如朱一柏皆慈惠之師也使嵯
人砥行立名追嗣前徽樸而愿
者從事乎孝弟力田秀而文者
陶淑乎詩書禮樂則嵯之風俗

日醇矣官茲土者本良法美意
之留遺深高山景行之仰慕文
物典章各求其備因革損益務
得其宜俾政教覃敷化行俗美
則嵎之吏治日上矣然則是志
之脩非特為嵎人高曾之規矩
實宰嵎者百世之鑿鑑也其所

裨豈淺鮮哉予奉

命分巡浙東於井疆戶口之登耗士
習民風之隆替每於僚友中悉
心體訪以期因地制宜化民成
俗茲覩李君是書綜一邑之典
章編摩而考鏡之方志也即治
譜也洵可謂舉其政之大者歟

故因其請而樂為之序
賜進士出身分巡浙江寧紹台海防
兵備道前翰林院編修南海李
可瓊撰



古者太史陳詩以觀民風小史
外史掌邦國四方之志詩以別
風俗之貞淫志以詳山川田賦
民風物產之屬胥於是乎在此
志不可以不作也嵎志始於宋
高似孫剡錄元許汝霖明錢悌
夏雷邑令譚禮周司空遞修之

而周本為家善

國朝張君逢歡李君以炎重加纂脩
自乾隆初迄今八十餘年闕焉
未備者尚夥李君果亭來令是
邑懼其事蹟散佚迺延致紳士
博采舊聞成志十四卷而屬序
於余余謂作史之難莫難於志

矧志郡邑紀風土備掌故尤在
擇精而語詳於舊所未列者廣
之舊所濫入者芟之且古今分
野之殊度山川之易名城郭之
建置典章之回革人品之淑慝
使不徵古籍訪黎獻將何以信
今傳後李君是志以儒林曠道

學以經籍別藝文以封誥歸仕
籍武職附之例嚴矣而崇學校
標殊勲編詩文彰苦節抑又備
矣其他山川支派形勝扼要戶
口田畝忠孝隱逸諸門無不折
衷至當博而要覈而詳其去取
有非舊志所及夫嵯固山水之

區也勢接江湖界連台越由剡
溪而上嶠山嵒山峯巒環列雲
霞縹緲樹木櫛參而艇湖諸水
蜿蜒噴薄扶輿鬱結之氣靈秀
鍾焉是以高人碩士如許元度
戴安道王謝諸人往々希履風
流歌詠自得非以其地美而俗

淳歟余守越郡嘗攷風習之相
沿其士秀而文其民樸而勤心
邑中惟嵒鮮案牘易於化導繼
自今其必使士崇實學民益馴
良務本業銷獄訟以仰承
聖天子教化涵育之至意是則守土
者之責也願與李君共勉之爰

為序

道光八年歲次戊子秋九月知
紹興府事雁門馮清聘撰



序

周禮小史掌邦國之志卽今之一統省志也外史掌四方之志卽今之郡縣志也然則一邑之志實爲一統省郡志之權輿顧可聽其年久散佚文獻無徵歟岷爲漢剡縣東控台寧西通婺暨南連新邑北毗會稽介兩郡六邑間山川秀異原隰衍沃人民商賈之富庶土宜地力之豐饒習尚儉

樸風俗淳厚洵東越之奧區也唐鄭言著平剡錄皆饒歌奏凱之詞無關典要宋俞瑞剡東錄舊志已稱購不可得嘉定間高似孫本會稽志作剡錄雖高簡有法而去取失宜元許汝霖始改錄爲志閱前明代凡四脩成化志成於錢悌而有悌傳宏治夏雷譏其收錄未當因就許志而增之嘉靖時復修於邑令譚禮未就萬歷間始

有周海門先生志綜博精覈載入內閣書目洵稱善本至

國朝一修於康熙時張君逢歡再修於乾隆時李君以爰迄今又八十餘年其間官師之職守典章之沿革物產之蕃殖科目之加增若不亟爲蒐輯坐使聞見就湮荒遠莫續誰之責歟

式圃

承乏茲邑已閱三載下

車時親訪民間風俗講求治理深慮舊聞

放佚考證無從迺謀諸闔邑耆舊延郡中朱意園太史及在籍諸紳士網羅舊聞廣爲采訪就舊志所載冗者削之譌者正之闕漏者增之復於案牘之暇詳爲釐訂歲一周始克歲事畧變舊志體例分爲四十二門以歸簡要蓋觀山川疆域之形勢可以知要害觀土田戶口之多寡可以均賦役觀城池壇廟之制度可以修廢墜觀民風

士習之淑慝可以興教養舉凡政治之得失美惡之勸懲胥於是乎在惟有恪守官常拊循保惠以期上揚

聖治下協輿情俾風俗蒸蒸日上亦有司之幸也豈僅爲生於嵯仕於嵯游於嵯者作一鑑也哉

道光八年歲次戊子知嵯縣事合肥李式圃撰



道光八年岷縣脩志名籍

纂脩

岷

縣

知

縣李式圃

合肥人壬午進士

總纂

原任江西臨江府知府朱

淶

山陰人己未進士

叅訂

岷

縣

教

諭葛星垣

秀水人乙卯舉人

協纂

拔

貢

生李富孫

嘉興人辛酉

候

選

訓

導李遇孫

嘉興人辛酉優貢

岷縣志

脩纂名籍

一

分纂

候

選

知

縣錢錦山

邑人癸酉舉人

候

選

教

諭喻道鈞

邑人丙子舉人

候

選

知

縣邢復旦

邑人戊辰舉人

候

選

知

縣魏敦廉

邑人癸未進士

舉

人王景程

邑人壬午

舉

人裘怡蓮

邑人辛巳

生

員茹贊元

邑人

總校

原任海寧州教諭銜管訓導事裘怡芬

邑人辛酉拔貢

分校

候

選

知

縣宋仁華

邑人己卯進士

舉

人王暮

邑人壬午

候

選

知

縣郭廷翰

邑人甲子舉人

舉

人王際清

邑人乙酉

生

員周璜

邑人

候

選

教

諭周松齡

邑人乙酉拔貢

採輯

候

選

知

縣徐建勳

邑人庚申舉人

貢

生郭萬年

邑人

嵯縣志

脩纂名籍

二

貢

生王啟豐

邑人

候

選

訓

導喻萃

邑人

生

員周栗

邑人

國

學

生魏雨沾

邑人

增

廣

生趙友韓

邑人

州

同裘坤

邑人

貢

生錢釗

邑人

貢

生俞濟聖

邑人

增

廣

生孫載歌

邑人

生

員周愛棠

邑人

生

員裘兆彪 邑人

國

學

生沈瀚 邑人

州

同邢樸 邑人

舉

人周卜澗 邑人

廩

生王鳳鳴 邑人

廩

生裘禮成 邑人

廩

生吳一枝 邑人

生

員過庭訓 邑人

國

學

生王秀清 邑人

國

學

生吳之海 邑人

嶧縣志

脩纂名籍

三

副

貢

生金有鑑 邑人

翰林院額外待詔喻涵 邑人

候選教諭署昌化縣訓導魏懋昭 邑人

候選州吏目鄭蘭 邑人

廩生鄺鳳樓 邑人

國學生俞九齡 新昌人

領局

候

選

知

縣錢日青 邑人

繪圖

舉

人王景程 邑人

收掌

嵯

縣

訓

導沈浚都

桐鄉人
歲貢

監刊

嵯

縣

典

史周

普

延津人

嵯縣志

脩纂名籍

四

嶧縣志

凡例

一志表之例起於班固漢書前張志作志周志作表第方志載一邑之典志既未能綜括表亦未便省覽茲統分爲四十門

一舊志所載皆不詳出處使覽者無可攷證今廣爲蒐輯如正史舊志以及百家說部詩文等集悉注各條之下其得自呈報採訪者則注新纂惟職官選舉等門續增者不注

一戶口田賦俱按照賦役全書增入

嶧縣志

凡例

一學校爲尊奉

至聖先師重地先賢先儒位次秩然舊志東西易位前後紊亂茲據闕里

聖廟志改正

一職官選舉文武並重舊志不載武弁武科亦屬疎畧茲於職官增駐防選舉增武科其並無專傳而有事蹟者畧注於本名下以見梗概

一文武非科甲而出仕者舊志有材譚武職二條今以材譚歸仕籍而以武職附之統入選舉門

一舊史但有儒林宋人始稱道學舊志將儒行理學

分而爲二然非史志通例我

朝纂修明史不列道學誠以儒林卽可該道學今併爲一門

一鄉賢孝義蓋棺論定現存者概不纂入惟列女業經

朝廷旌表及官爲給額者無論已旌未旌不分存歿俱載以彰苦節

一舊志無經籍然鄉賢著述有見於史志及四庫書并家乘可采者亦不容湮沒茲著經籍一門釐爲經史子集四種兼錄寓賢著作從刻錄也

嵯縣志

凡例

二

一前人碑記題詠周志張志並注於各門李志悉入藝文今各門仍附載記畧緣起之文其詞藻可傳者仿浙江通志例編爲藝文惟無關一邑之民風土俗者不錄

一藝文不錄現存人至記畧之文亦得附各門以識顛末

一舊志藝文尙多闕畧茲旁搜博採自唐宋及國朝人著作可傳者計增十之三四以資攷覽

一張志悉本周志間有增損纂李志時夏志已佚周志僅存選舉一卷今周志獲有全書夏志亦從舊